

Nedim Rakić, geodetski tehničar



Dana 01.12.2020. godine zauvijek nas je napustio kolega Nedim Rakić. Uvaženi kolega Nedim Rakić je rođen 04.11.1952. godine u Šapcu. Osnovnu školu završio je u Sarajevu. Poslije završetka osnovne škole upisuje Geodetsku tehničku školu u Sarajevu, koju uspješno završava 1972. godine.

U Republičku geodetsku upravu SR Bosne i Hercegovine zapošljava se 1980. godine, gdje je radio na poslovima arhiviranja, održavanja i izdavanja geodetske dokumentacije. Tokom ratnog perioda dao je veliki doprinos zaštiti geodetske dokumentacije od uništenja ratnim dejstvima i

požarom.

Od 1997. godine počinje raditi u Federalnoj upravi za geodetske i imovinsko-pravne poslove Federacije Bosne u Hercegovine, na poslovima višeg referenta za obradu i izdavanje podataka iz geodetske dokumentacije. Kroz radni angažman u Upravi istakao se i radom u Komisiji za polaganje stručnih ispita radnika koji rade na poslovima iz geodetske djelatnosti, gdje je bio dugogodišnji sekretar Komisije. Radni angažman je okončao u Federalnoj upravi za geodetske i imovinsko-pravne poslove, odakle 2017. godine odlazi u zasluženu penziju.

Život je proživio sa suprugom Jasminkom sa kojom ima kćerku Džanu, od koje ima unuku Taru. Ukopan je na groblju Bare u Sarajevu, a ispraćen je od porodice, rodbine, prijatelja te mnogobrojnih kolega i sugrađana. Kolega Nedim Rakić će ostati upamćen kao vrstan stručnjak, uvijek vrijedan, odgovoran i spreman da nesebično pomogne drugima. Smrću kolege Nedima Rakića, njegova porodica, geodetska struka i svi mi koji smo ga poznavali i imali priliku saradivati s njim pretrpjeli smo veliki gubitak. Neka je spokoj njegovoj plemenitoj duši.

Nedžad Pašalić